

AGIHAN HASIL PADI BAGI PROJEK LADANG MERDEKA

Lembaga Kemajuan Pertanian Kemubu
Kementerian Pertanian dan Keterjaminan Makanan

Perkara Utama

Apa yang diaudit?

- Agihan hasil padi bagi Projek Ladang Merdeka di Lembaga Kemajuan Pertanian Kemubu (KADA).

Mengapa ia penting untuk diaudit?

- Untuk menentukan sama ada agihan hasil padi bagi Projek Ladang Merdeka dilaksanakan mengikut perjanjian, Tatacara Pelaksanaan Projek Ladang Merdeka dan peraturan kewangan yang berkuat kuasa.

Apa yang ditemui Audit?

- Secara keseluruhannya, Projek Ladang Merdeka merupakan usaha yang baik oleh KADA untuk membangunkan tanah sawah terbiar di negeri Kelantan dan memberi pendapatan kepada pesawah. Bagaimanapun, terdapat kelemahan dalam agihan hasil padi bagi Projek Ladang Merdeka. Kelemahan yang perlu diberi perhatian adalah seperti berikut:
 - agihan hasil padi berjumlah RM4.36 juta kepada wakil peserta yang tidak dapat disahkan; dan
 - hasil padi berjumlah RM471,996 tidak diagih kepada peserta Projek Ladang Merdeka pada setiap akhir musim penanaman padi.

Apa yang disyorkan Audit?

- Pihak Audit mengesyorkan perkara seperti berikut:
 - menyemak Perjanjian antara KADA dengan Peserta serta menyediakan Prosedur Operasi Standard yang komprehensif merangkumi pengeluaran surat kuasa wakil, kaedah agihan hasil padi dan penamaan waris;
 - menyelenggara data peserta Projek Ladang Merdeka dengan lengkap, kemas kini dan sistematik serta pemantauan rapi bagi memastikan agihan hasil padi yang teratur; dan

- menambah baik kaedah pembayaran melalui pindahan secara elektronik ke akaun bank peserta bagi memastikan proses agihan hasil padi dibuat mengikut tempoh yang ditetapkan.